

CICIKOANBADIEGU

GUFENEMA MASOAGINDO

BULICINA FASO

Ti Báa dógú pò, li yaa dani Kúuma, ti baa Paadí

**BAALO KOANBALA TAANLI
JAGA DOAGIDIMA**

(PP-G N°021-2025)

Pengidiwende Silibeedi WEDIRAWOGO

Wagidugu, li binli 2025 ciluoba dana 18

Baalo Koanbala taanli den kali Wagidugu
nani ban maani ki tiedi maama dana lele kuli,
li binli 2025, ciluoba dana 18, alaalibu daali
ki cili leeru 9 yogunu ki ban gbeni leeru 12 leni miniti 52,
Kapitenni Ibirayimi TARAWORE, yua n tie ti Diema Yudanciamo
leni a Koanbala Taanli Liigiyua n den gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po,
ki dindi niyendo bali,
ki puni u sanu bi niba n gedi dietoama nni ti Diema yeli po.

I. A JAGA

Tinunga **3** bonmu **31** siiga

I.1. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA

A Koanbala Taanli taa **tiwaankaana lie (02)**.

Li tiwaankakpiali tuugi leni ban taa yaa jagili ki baa yaa gobidi li sancenli tila tienma sanbipaana ti tintinbiadi (a lola) leni ti ñinbiadi tuonsoandieciangu po.

Laa jagili yegi leni ti diema tinbuona gobidima leni li sancenli tuona koanbadiegu n gagidi ki baa soani yaa tuona.

Ti tintinbiadi leni ti ñinbiadi tuonsoandieciangu cili ki bogindi yaa tuona n baa teni bi niba n baa tonma li sancenli tila ke a tienma ñani ki go faali. Laa bonla lebidima po, li boncanla tie ke li pia yaa masina n baa yaa tiendi u yogunu kuli li sancenli tila jalijali.

A Koanbala Taanli tuo ki baa teni laa tuonli n soani leni yaa ligi n pundi **miliadi piita n bilie leni miliyon kobilie n piilele n bitaa n piitaa n tudiyenli n kobiluoba n piilele n kuumuu taa leni falini bilie (K 32 273 31 673,2)** sefa **ligi nni** ñmaali piiluoba (60) siiga.

Laa ligi baa ña Baalo ligikpagu nne.

Li tiwaankalieli tie ban bogini yaa masienkaama tili ki tuo mi diema biakaafanma tuonsoancagili ban yi yaali SAFA mabilikaama tila.

Laa masienkaama tili taama baa teni mi diema biakaafanma tuonsoancagili n baa li mabikaama tila ki fidi ki yaa tuoni li tuona ke li dagidi nani yaa maasienkaama tili n den taa li binli 2000, cimuu dana 17 ke li lanba tie 2000-189/PRES/PM/MCIA, ki waani Baalo tuonsoancaga mabilikaama n ñua maama.

I.2. YAA KOANBADIEGU N DIIDI TI DIEMA LOAGU LENI I LIGI

A Koanbala Taanli taa **tiwaankaana lie (02)**.

Li tiwaankakpiali mia ban pa u sanu Baalo n da ti tiadi dunla binli 2025 tuonboginkaana po.

Laa tuonboginkaana soanma baa pugini Baalo tuonsoandiedi paalu bi niba nantaadi kuama po.

Yaa tuona n bogini ki baa soani tie :

- tiabilikaanu dieyenli màama yaa cagili n moa ki bolini mi diema nni bu ligisubu po ke li ligi tie **miliyon kobiga n piinaa n bimuu (K 145 000 000) sefa ligi nni ;**
- duaninba tuona leni a masina yanfuoma tiadi daama ke li ligi tie **miliadi bonbitaa leni miliyon kobitaa n piiga n bitaa (K 3 313 000 000) sefa ligi nni ;**
- sikaneeri masina 17 daama duaninba tuona po mi biakaafanma nni, duaninba sedikaani nni leni duaninba tuonsoandiedi i tinkundogi nni ke li ligi tie **miliadi yendo leni miliyon kobiga n piitaa (K 1 130 000 000) sefa ligi nni;**
- duaninba tiayiekaadi daama ke li ligi tie **miliyon kobiga n piimuu (K 150 000 000) sefa ligi nni ;**
- mi diema tonbola cagili (LONABE) luodikaani màama ke li ligi tie **miliyon piimuu n bimuu (K 59 000 000) sefa ligi nni ;**
- kuuran fantanjiini dadima, leni tele tienma mi diema tonbola cagili (LONABE) tuonsoandiedi nni ke li kuli ligi bua ki pundi **miliyon kobiga n binii (K 108 000 000) sefa ligi nni ;**
- Gulima podovenso lubili tuonsoandiegu màama ke li ligi tie **miliyon kobilele (K 700 000 000) sefa ligi nni ;**

- Gulima podovenso lubigaali tuonsoandiegu màama tuona goandima po ke li ligi pundi **miliyon piilie n bimuu (K 25 000 000) sefa ligi nni.**
- biadi taana naa (04) dàama Baalo tuona po ke li pundi **sefa ligi nni miliyon kobimuu n piitaa n bilie n tuda kobiga (K 532 500 000) ;**
- li laafiali leni mi ñinjanma masina dàama baalo tuona tuonsoandieciangu Sentidi desiyoni po ke li ligi fii **sefa nni miliyon piilie n binaa n piitaa n tudayia n kobiga n piyia n kuumuu lele leni falini bilie (K 124 39 59, 2) ;**
- Sentidi-Wuesiti desiyoni loagu tuona boginma tuonsoandiegu màama ke li tie **sefa ligi nni miliyon kobibitaa n piimuu (K 350 000 000) ;**
- kuuran masino (guripi) yua yaa paalu n pundi 700 kVA dàama leni o buunma yaa diegbengili n pia tuadi 11 Baalo diegbenga tuonsoandieciangu po ke li fii **miliyon kobiga n piiga n bimuu (K 115 000 000) sefa ligi nni ;**
- biadi taana naa (04) dàama i ligi kuanma tuona po ke li ligi fii **miliyon kobiluoba n piitaa n binaa (K 634 000 000) sefa ligi nni.**

Yaa tuona n baa soani yeni kuli ligi taanma fii **miliadi bonbilele leni miliyon kobitaa n piinii n biluoba n piimuu n tudayia n kobimuu n piyiaa n kuumuu lele leni falini bonbilie (K 7 386 297 986) sefa ligi nni.**

Laa ligi kuli baa ña Baalo ligikpagu n bogini yaa ligi li binli 2025 po.

Li tiwaankalieli tuugi leni ban **bogini yaa masienkaama tili** ki dini li bali niyendo ke o tua duaninba caga tuona goandikoa.

Laa masienkaama tili teni ke bi dini li bali o joa Yvi **KAFANDO**, o lanba li tuonli nni tie **201 107 J**, ke o tua duaninba caga tuona goandikoa nani ban den taa yaa masienkaama tili lanba 2019-1123/PRES/PM/MINEFID li binli 2019, piiga n cilo dana 15 ki doagidi duaninba baabi n baa yaa suagi maama bi tuonli nni.

I.3. LI GUUNLI KOANBADIEGU KANI

A Koanbala Taanli taa **masienkaama tili yenli** ki cilini mi diema nni bi niba yema ŋamu ŋaniali cagili yaali n baa yaa pegidi mi yanduanma leni mi teginma tuada i dogidi nni ke bi yi laa cagili « **Birigaadi Laabali** ».

« **Laabali** » bundi mi **folima nni** « u sanŋamu, mi teginma, yaali n ki pia tagili ba ».

Birigaadi Laabali cagili cilima sugini Baalo n guani ki baa u paalu, u dogu nni bi niba yema n yaa pia mi yulolima ke bi tuada go ŋani. Li tie yaa cagili n baa sedi ki moa ki paani mi bibiadima leni mi yuloligbenma tuada leni yaali kuli n ki pia ñuadi mi diema yema ŋamu po. **Birigaadi Laabali cagili** yeni baa moandi ki teni u dogu nni mi dogimatienna jigidi leni mi dogimatiema tuariŋanna n pugini bi niba yema nni.

Birigaadi Laabali cagili n baa yaa faami yaali yaapo li bontianla tie u dogu yanduanma, u dogu n da leginda, bi niba n yaa ñandi ti joagindi ki go bua ku ŋangu u dogu nni, mi teginma n yaa tie sanbili u dogu gobidima po, bi niba n yaa jigini Baalo leni ti Baa dogu ŋaali nannana ki go ŋua li sancenli ŋamu balimaama.

Laa masienkaama tili taama baa teni mi diema nni bi niba yema ŋamu ŋaniali cagili yaali n baa yaa pegidi mi yanduanma leni mi teginma i dogidi nni « **Birigaadi Laabali** » n cili ke li yegi leni yaa balimaama lanba n tie 032-2003/AN, ki den taa li binli 2003, cimuu dana 14 ki doagidi mi diema nni li guunli sanbila n tie ya.

I.4. YAA KOANBADIEGU N DIIDI BAALO SALIWUUDO, A TUONA LENI BI TUONSOANBA YEMA DAMU

A Koanbala Taanli taa **masienkaama tili yenli** ki waani Baalo tuonsoandiedi nni a tuona biigima sanbila n baa ɲoadi maama.

Laa masienkaama tili guani ki lebidi yaa masienkaama tili lanba n tie 2017-0625/PRES/PM/MFPTPS ki den taa li binli 2017, cilele dana 18 ki doagidi Baalo tuonsoandiedi nni a tuona biigima sanbila n baa ɲoadi maama. Laa lebidima sugini ki pegidi yaala n tie poadi kuli laa masienkaama tili nni lani n tie ki bandi a tuona n cuani yaa todima bi niba yema ɲamu po, a tuona n soani ki dagini naani leni yaa sanbila n baa dingi mi biigima tuona, leni mi biigima tiwaankaana dianma n baa taa yaa yogunu.

Laa masienkaama tili nni yaala n tie boncanla yabi. Li siiga li bontianla tie :

- ki gandi sanbitoali yaa tuona n soani « ñuadi » bandima po ;
- ki ñii yaa sanbila n baa fidi ki waani bi niba yema gobidima n dagidi maama ki go doagidi sanbili kuli n tie yaali cain ;
- ki diidi ki le yaala n tie poadi ku tuonsoandiegu tuona n soani ki da maama coali sanbila nni ;
- ki gandi sanbiyenli baba yaali n baa waani ku tuonsoandiegu nni yaa tuona n fidi ki soani n da maama, lan cuani yaa todima bi niba po, ban gobidi laa tuonsoandiegu maama leni yaa tuona n soani n lebidi yaala bi niba yema nni.

Laa masienkaama tili taama baa teni Baalo saliwudo tuonsoandiedi n baa sanbipanli a tuona soanma biigima po lan pugini ti tuonsoandiedi gbamanu ki go teni a tuona n yaa cuoni ɲama bi niba yema ɲamu po.

I.5. YAA KOANBADIEGU N DIIDI MI TAGIMA TUONSOANDIEDI, U KPENDU LENI U NUU TUONSOANBANMA TUONA

A Koanbala Taanli taa **masienkaama tili yenli** ki cilini mi diema biakaafanma cagili ban yi yaali SAFA

Mi diema biakaafanma cagili tie Baalo tuonsoancagili yaali n baa yaa gobidi li baba moala ne mi diema nni i biakaabi fanma. Laa cagili n ji baa diedi Donsen biakaafanma tuona, yaa ligi n koa i biakaabi yugima tuonboginkaana nni leni mi diema nni i biakaabi tuona cagili.

Mi diema biakaafanma cagili tuona a tiama go tie ane :

- ki yaa gobidi yaa tuona n tuuni Bulicina Faso biakaafanma nni ke li nɔadi leni li guunli sanbila, ke jawaandi kuli ki ye, ke a tuona tuuni ke li nani ;
- ki yaa nanbidi mi biakaafanma ke li tuugi leni moala nne bancanma, lani n tie i biakaabi sani, i biakaabi sedikaani leni yaa tiadi n pugidi kuli ;
- ki taa yaa jaga n moani mi biakaafanma tuona nɔamu po ;
- ki yaa gobidi mi biakaafanma tuonsoandiedi mɔama ;
- ki teni i biakaabi n yaa jii yokunu kuli mi diema biakaafanma nni.

Laa masienkaama tili taama baa teni mi diema biakaafanma tuonsoancagili tuona n cili ke li yegi leni ban den taa yaa masienkaama tili li binli 2000, cimuu dana 17 ke li lanba tie 2000-189/PRES/PM/MCIA ki waani Baalo tuonsoanjaana mabilikaama n baa yaa nɔua maamaa.

I.6. YAA KOANBADIEGU N DIE I DOCIAMI TINBUONA BOGINMA LENI A DIEDUANKAANA MAAMA

A Koanbala Taanli taa **masienkaama tili yenli** ki fiini ki guani kaantoe yaa niba n den baa ki da Sapone dogu nni ban den kuadi yaa tinfanma a dieduankaana puginma màama po ki jagi ke yaa koanbadiegu n die ti diema guudima leni a minteelikpela mama n baa diedi laa kaanu.

A dieduankaana puginma màama tinfanma boagidima Sapone dogu nni den cili hali li binli 2013. Li yaapo, bi den toani caca ki gaa fancaba 4 000 bi tindanba kani ki bili ke bi baa teni ba bi tinfanma ligi.

Hali leni dinla, ban niba 2 300 yenli yaaba n den da bi dieduankaana màama fancaba, o ba kuli ki baa ki diedi o fanma. Lan mo ke li ñoadi leni meeri liigiyaaba siiga kaadagidima po, u dogu maasuagu liigiyaaba siiga kaadagidima po leni lotisemanba sienma mi diema nni. Laa paka kuli taani ki teni ke baa fidi ki coadi ki gbeni bi tindanba n da maama ki bagi ban pa ba bi tinmu ligi.

Baa leni yaa tuonsoanba n boagidi mu tinmu n tieni yaa moandili bi tindanba ligi pama po, laa tuo ke nilo ba baa ki diedi o fancabili Sapone dieduankaana puginma màama kaanu kani.

Lan yaapo, Baalo moandi ki ñanbi u kaanu Komisiliga kominno nni, ki kuu leni ban pugini ki màa yaa kaanu Komisiliga dieduankaana po, ki baa guani lan kani yaaba n den baa mi fanma bi dieduankaana màama po Sapone dieduankaana màama puginma fanma nni.

Ti diema guudima leni a minteelikpela koanbadiegu n ji baa diedi Sapone dieduankaana puginma màama kaanu yenli.

Laa masienkaama tili taama baa teni yaaba n baa bi dieduankaana màama fanma Sapone dieduankaana puginma màama fanma nni n baa bi dieduankaana màama fancaba Komisiliga dogu nni.

II. I LAABAALITENKE

II.1. Bu kpaabu, li yanwubili leni mi ñima nni bonpiakaala koanbali togidi a koanbala li binli 2024-2025 fali po bu kpaabu tuona n cuoni maama.

Nani 2024 binli po mi tañima n den jiidi boncianla maama, ki baa tuoni ciyia dana 30, Bulicina Faso luaciam (barasinba) kuli den gbie ki kandi hali maama ke li pundi kobiga siiga **113,60%**, ki sua li binli 2023, barasinba gbiema kobiga siiga den tie 97,94 %.

Nani Baalo n pia yaa ñaniali bu kpaabu tuona soanma leni a masina po, bi den ñanbi **baabiciami 238,8** saridingi (ti kpintiidi) kpaabu leni a masina ke **baabiciami 3 154,5** fanma mo koni yeni ki naa yegi leni a masina.

Bi den tieni mi todima ki wadi ti bugidi ligi bi kpakpaaba po ki teni ke bi baa ti bugiboandi **tonni 7 042**, mi bugiyaama **tonni 3 334** leni ti bugifandi **tonni 1 000**.

Laa kpaangu po, bonbulikatoala moko den kona. Bukpaabu, li yanwubili leni u jankpaanu cagili Bulicina nni den pugini ki koni koko **tiidi 81 250** leni bananni o bonpulikoa **tiidi 82 000**.

Li binli 2024-2025 fali kpaabu po, bu saridingi (kpintiidi) kpaabu buoli kuli kpaangu den fii tonni **1 284 791**. Laa kpaangu yaba ki cie li binli 2023-2024 yaa kpaangu yaala n pundi kobiga siiga 8,1%.

Lan tie di, bi kokoda mo yaa kpaangu den bua ki pundi **tonni 52 519**, ki yabi ki cie li binli 2023-2024 yaa kpaangu yaala n pundi kobiga siiga 31,8%

O tangunbo, o kuudiko bi a nuga yaa kpaangu mo den bua ki pundi **tonni 59 971**, ki yaba ki cie 2023-2024 yaa kpaangu yaala n pundi kobiga siiga 246,4%.

Ki baa ki pugini li fali kpaangu, a jaga taa ki baa bogini n̄ama mi n̄ima tuona. Li tie ki yaa faami ki go n̄anbidi barasinba bu kpaabu po, ki bandi mi n̄ima kubima, ki n̄anbi ki bangi bi kpakpaaba ban baa yaa tuuni bu kpaabu tuona leni barasinba n̄ima maama, ki yaa bilidi i ligi mi n̄ima kaani n̄anbima po.

II.2. Yaa koanbali n die ti buudi leni o nisaalo n pia yaa sanbila, ki tuugi leni a tuonsoanjaana waani a koanla ke Bulicina Faso den kali Sayeli dogi taanyenma cagili (AYESI) koanbala yaaba n diidi ti buudi leni o nisaalo n pia yaa sanbila cicitaanli li binli 2025, cimuu ki cili o dana 27 ki ban juodi o dana 30, Bamako po Mali diema nni.

Laa taanli nni, Sayeli dogi taanyenma cagili (AYESI) koanbala yaaba n diidi ti buudi leni o nisaalo n pia yaa sanbila n den taa yaa jaga a tiana nne:

- ki cilini AYESI dogi nni u buujiakaanu yaa magalikaama n pundi bi bujiakaaba kani leni mi biiciama nani mi nimiligibiadima, i biiciami dunliya kuli po, o nisaalo n naaninni yaala o yema nni miidima buudi po.
- ki teni ti buudi balimaamaa tila n yaa tie yenma AYESI dogi nni mi nimiligibiadima leni yaa biicianma n kandi ki puodi dietoama sanbila nni.
- ki teni AYESI dogi n taani ki n̄i yaa tila n waani ke bi tuo ki baa yaa todi bi yaba ti buudi sanbila nni, a kpaada n̄anma leni bi kuanma AYESI cagili tingbanu nni lan tie yaa dogu kuli nni;
- ki n̄anbi ki pugini li guunli a kpaadidiena nni ki go moandi ki teni a kpaada cuonu dana n wadi a kpaadidiena nni;
- ki maa AYESI cagili dogi buudijiakaanu kpaadidieli yaali ke bi baa yaa guuli n̄ama.

Sayeli dogi taanyenma cagili (AYESI) koanbala yaaba n diidi ti buudi leni o nisaalo n pia yaa sanbila taanli yeni bua ki pugini Sayeli dogi buudi sanbila paalu lan todi ban fidi ki bogini ki paadi yaa paga leni yaa biima n ye moala na leni yaa yogunu n kpenda jamaano po lan tie bu ligisubu, mi nimiligibiadima

leni yaa ligi n todi laa tuadibiada, mi ligibuama janbi, o tabibiado, bi niba yonbidi, bi niba suugedima dotoe nni, enterineti nni tuadibiada, leni biitoama yaama n tiendi dogu kuli nni.

II.3. Li laafiali koanbali puni a koanbala i laabaali bonciancianla, laa laabaali siiga, i tiami nne:

- **yaa laabaalu** tuugi leni yaa juundiedi n tieni yaa ñoagu n baa waagi ki ye ke bi yi ti MILIDA boagidima Bulicina Faso niba kuli po li binli 2025, cilele ki cili o dana 19 ki ban tuoni o dana 20.

Laa dana po, **juundiedi 15 155 950 yaa di n tieni u ñoagu** n baa boagidi.

Dunli 2025 binli po, Ho-Basen, Sentidi, Sentidi-Wuesiti, Sentidi-Sidi leni Pilato Santarali desiyoninba nni, yaaba n baa ga MILIDA juundiedi kuli yela baa diani a masina nni.

Laa juundiedi boagidima mayuli tie ki teni Bulicina Faso niba kobiga siiga, niba 80% n baa ki yaa dua MILIDA juundiedi nni ne leni li binli 2025 juodima;

- **yaa laabaalu** n tuugi leni ku siagu yogunu ñinwadi guunli ñoagu tenma dunli binli 2025 po.

Dunli binli 2025 ku siagu yogunu ñinwadi ñoagu baa boagidi mi diema tingbanu kuli nni bila **5 089 768** yaaba n pia ñmaali 3 ki yaa ca ñmaali 59 po.

Li baa yaa tie ki nalini a bila ti ñinwadi ñoagu lan guuni ba leni u yianu puodima jalibu ki go teni bi soama n da wadi ba u yianu puodima paalu n yabi yaa yogunu.

U ñoagu tenma n baa tua yaa yogini nna:

- mi cicitenma (P0) : li binli 2025, ciluoba dana 26 hali o dana 29 ;
- mi taliema tenma (P1) : li binli 2025, cilele dana 24 hali o dana 27;

Tinunga **14** bonmu **31** siiga

- mi tataama tenma (P2) : li binli 2025, cinii dana 21 hali o dana 24 ;
- mi tanaama tenma (P3) : li binli 2025, ciyia dana 18 hali o dana 21;
- mi tamuuma tenma (P4) : li binli 2025, cipiiga dana 16 hali o dana 19.

Ki tuodi ki bogini ki guuni a bila ku siagu yogunu ñinwadi yianu tie ki wadi ti ñinwadi paalu leni li jalibu yaala n pundi kobiga siiga 60 % yaa bila n ki pundi bina muu (5) po.

II.4. Yaa koanbali n diidi mi tagima tuonsoandiedi, u kpendu leni u nuu tuonsoanbanma tuona puni a koanbala **laabaali lie (02)** :

- **u cicilaabaalu** waani ke Bulicina Faso den gedi Iran-Afidiki loagi tunginma taancianli mi tabuataama po leni Iran bonpiakaala doagidima li binli 2025, cinaa dana 27 ki yaa ca hali cimuu dankpiali Teheran dogu nni, Iran diema nni.

Bulicina tonda gedima laa taanlieda po den teni ke bi baa ki bandi Iran n pia yaa banma mi tagima sanbila nni leni wan kuadi yaa tiadi i dolami po a tuonjaana bonciala nni nani mi tagima fuuli nni, kuuran sanbila nni, mi bancanma tuonjaana nni leni ti logitodi tuona nni. Bi go den baa ki kaani ku dalingu Bulicina leni Iran kpenkpendigbenga siiga ;

- **u laabaalilielu** waani ke ti diema den fiini tonda li tuonli po ke bi gedi Ningbo, Sinni diema nni li binli 2025, cimuu o dana 02 ki yaa ca o dana 06.

Laa sancenli den tie ki baa ki guani ki fiini mi diema tuonsoanjaali BARAFASO tuona. Bulicina tonda den fidi ki baa u taajuogu tuginma leni Sinni tagima tiadi tuonsoanjaali yenli ki boni yaala n tie mi diema tuonsoanjaali BARAFASO yeni tuona guari fiima po.

II.5. Yaa koanbali n diidi mi gaanilindima, mi ñima leni i yianbonfuodi bolinma tuona togidi a koanbala yaa cagili n den biigi ki la li fuali ñanbima tuona n poa ki da maama mayedikaama.

Ki baa ki paani yaala n wadi mi diema nni li fuali bonpiakaala, Baalo den taa a jaga ki teni ke bi niba tuuni li fuali kubima tuona hali a bina 80 yogunu. Laa tuona cili leni li fuali ñanbima tuona yaa yegi leni li fuali bopiakaala kubima, li fuali ponbiakaala puginma leni ti dakuunkaadi baama i dociami nni. Ama, hali laa bina n pendu, li fuoli kubima tuona naa go cuoni ke li dagidi kelima a paga boncianla po. Li binli 2025, ciluoba ñmaalo nni, li fuali kubima tuona 26 siiga, tuona 13 baba n tuuni desiyoni bonbinaa nni. Laa paga wadi li fuali kubima tuona boncianla gbamanu, ki teni ke bi pe li fuali yaali yaala ki go teni ke baa fidi ki bogini ti daadi kuadima kpendu.

Li fuali kubima tuona tadigima po, mu tinunmu cogu banda den waani ke ki cili li binli 1992 ki yaa hali li binli 2023, li fuali ñanbima tuona suli ki guani puoli yaala n pundi 8,17% Sidi-Wuesiti desiyoni nni, 8,39% Santidi-Sidi desiyoni nni, 10,81% Santidi- Nori desiyoni nni, 38,28% Santidi-Wuesiti desiyoni nni.

Nani mu tinnunmu cogu banda n doagidi maama li fuali kubima tuona tadigima po, yaa cagili n biigidi li fuali kubima tuona n taa yaa jaga, a tiamana nne :

- ki cilini Baalo cogidieli naankani ke bi baa yaa coginda li tiñuuli leni li fuali kubima tuona cogu ;
- ki lebidi yaa balimaama n gobidi ban guu yaa fuana kubima tuona ;
- ki taani ki bili ban guu yaa fuana fanma n baa yaa da maama ki go diani fuali kuli leni li lanba a tila nni ;
- ki boagini ban guu yaa fuana ki teni komininba n diedi a kubima;
- ki wadi ti dakuunkaadi leni a kuana kuadima ligi.

II.6. Ku gbanansaagu jeliti tuona, bi nipanba leni a tuona baama koanbali den puni a koanbala **i laabaali boncianla** :

- u laabaalu yaala n tie yaa tuonjaali n baa guani ki fiini bi nipanba tundi bogili diedi 14 ñanbima leni li tiadi kuanma Bulicina Faso desiyoni 12 nni.

Laa diedi ñanbima mayuli tie ki teni mi lebidima n tieni bi jafanba bi jawaaba leni a nikpela yema ñamu po, ke u taayienye ye, ke laa diedi gobidima go dagidi.

Bi nipanba tundi bogili diedi tuona tie ki suagi leni bi nipanba gobidima, ki yaa todiba leni yaa bangima n baa todi ba ban faa ki fuoni bi yula, ki tua diedanba ki go baa li nukubili.

- **yaa laabaalu** n tuugi leni mi diema n bogidi yaa kutannuama (Turi di Faso) li ñandunli kuli po mi piitaa n taabualuobima po.

Li binli 2025 yaa kutannuama baa cili cipiiga dana 24 ki ban gbeni piiga n cilo dana 02 Toma SANKARA sanciamu kani. A kutanjagila baa tagini Bulicina Faso desiyoninba yia (09) nni, ñama piiga (10) po, ki cuoni yaa bana n taani ki pundi **km 1177,6**.

III. BAN DINI YAABA LI BALI

III.1. BAN DINI YAABA A BALA NIYENDO-YENDO TUONNA NNI

A. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA KANI

- Jan-Pieri **VOÑA**, joa, o lanba li tuonli nni tie **98 021 K**, o tie a tinbuona gobidikoa, o dini li bali ki tua « **Ti diema tinbuona gobidima** » tuona soanma ligi yudaano ki taani leni wan pia yaa bali ki tie a tinbuona gobidimaYudanciamo ;
- Rasabiwende Arisitidi **SANDIWIDI**, joa, o lanba li tuonli nni tie **98 015 D**, o tie a tinbuona gobidikoa, o dini li bali ki tua ti diema tinbuona leni dietoama tinbuona danligu tuonsoanjaali yudaano ;
- Tiiga Emilli **VALEYA**, joa, o lanba li tuonli nni tie **212 174 N**, o tie a tinbuona gobidikoa, o dini li bali ki tua yaa tuonsoanjaali n die ti diema tinkundogi (yaa tinbuona n baali leni dietoama) findima Yudaano.

B. BU KPAABU, LI YANWUBILI LENI MI ÑIMA NNI BONPIAKAALA KOANBADIEGU KANI

- Hien Kpierenuori **SOME**, joa, o lanba li tuonli nni tie **214 350 R**, o tie bi kpaabu tuona bandiciamo, o dini li bali ki tua ti diema nni a kpakpaala leni a yanwubila cagicianli tidianlo.

C. YAA KOANBADIEGU N DIIDI TI DIEMA LOAGU LENI I LIGI KANI

- Iivi **KAFANDO**, joa, o lanba li tuonli nni tie **201 107 J**, o tie Duanni tuona goandikoa, o dini li bali ki tua Duaninba Yudanciamo ;
- Sumayila **SAWADOGO**, joa, o lanba li tuonli nni tie **47 691 Z**, o tie a luba gaama tuona goandikoa, o dini li bali ki tua li lubigaali tuonsoandiedi tuona goandikoa laa koabadiegu kani ;

- **KIEMA** pua Solansi /**SONMIDA**, o lanba li tuonli nni tie **57 142 X**, o tie a luba gaama tuona goandikoa, o dini li bali ki tua li lubigaali tuonsoandiedi tuona goandikoa laa koabadiegu kani ;
- Ali **ILIBODO**, joa, o lanba li tuonli nni tie **51 203 G**, o tie Baalo ligidiedi tuona goandikoa, o dini li bali ki tua i ligi tuona goandikoa ;
- Moro Olifie **MILUNGU**, joa, o lanba li tuonli nni tie **33 975 L**, o tie Baalo ligidiedi tuona goandikoa, o dini li bali ki tua i ligi tuona goandikoa ;
- Tarawendipanga Eriki **TIENDEDEBEWOGO**, joa, o lanba li tuonli nni tie **56 711 L**, o tie Baalo ligidiedi tuona goandikoa, o dini li bali ki tua i ligi tuona goandikoa ;
- Mahamadi **KAGONE**, joa, o lanba li tuonli nni tie **50 053 V**, o tie Baalo ligidiedi tuona goandikoa, o dini li bali ki tua i ligi tuona goandikoa ;
- **ILIBUDO** pua Firansuasi **KOMI**, o lanba li tuonli nni tie **56 725 P**, o tie a luba gaama tuona goandikoa, o dini li bali ki tua i ligi tuona goandikoa ;
- Taliban Ifi **YANKINE**, joa, o lanba li tuonli nni tie **51 218 N**, o tie a luba gaama tuona goandikoa, o dini li bali ki tua i ligi tuona goandikoa ;
- Jan Diedone **NARE**, joa, o lanba li tuonli nni tie **52 170 W**, o tie a luba gaama tuona goandikoa, o dini li bali ki tua i ligi tuona goandikoa ;
- Adama **NANA**, joa, o lanba li tuonli nni tie **49 366 S**, o tie duaninba tuona goandikoa, o dini li bali ki tua duaninba tuonsoanjaacianli kani mi fiididiidima tuonsoanjaali yudaano ;
- Bangani **KOANBALI**, joa, o lanba li tuonli nni tie **51 181 R**, o tie a luba gaama tuona goandikoa, o dini li bali ki tua a luba gaama tuonsoandiegu yudaano Waga 4 kani ;
- Wendemaligede Sulemaani **NIKIEMA**, joa, o lanba li tuonli nni tie **216 171 T**, o tie Baalo ligidiedi tuona goandikoa, o dini li bali ki tua o ligikubilo a fuaguura cogidiegu kani ;

- Mawa **KULIBALI**, pua, o lanba li tuonli nni tie **245 208 S**, o tie Baalo ligidiedi tuona goandikoa, o dini li bali ki tua o ligikubilo i nii bontagikaala, li bonñuadikaala jeliti leni i fenli leni ti junjundi diegu kani ;
- Tajoa Mariten **KULIBALI**, joa, o lanba li tuonli nni tie **112 470 G**, o tie Baalo ligidiedi tuona goandikoa, o dini li bali ki tua o ligikubilo a bila diegu Andire Dupon Orodara dogu nni ;
- Adama **WEDIRAWOGO**, joa, o lanba li tuonli nni tie **112 480 T**, o tie Baalo ligidiedi tuona goandikoa, o dini li bali ki tua o ligikubilo Nakanbe ñima tuonsoandiegu kani ;
- Pieri **SIDA**, joa, o lanba li tuonli nni tie **35 916 E**, o tie Baalo ligidiedi tuona goandikoa, o dini li bali ki tua li lubigaali tuona yudaano Santidi Desiyon (Wagidugu diema) nni ;
- Valanten **ÑISIEN**, joa, o lanba li tuonli nni tie **343 286 K**, o tie lubigaalo, o dini li bali ki tua li lubigaali tuona yudaano Udalan porovenso nni ;
- Sidi **NIKIEMA**, joa, o lanba li tuonli nni tie **303 098 S**, o tie li lubigaali tuona goandikoa, o dini li bali ki tua li lubigaali tuona yudaano Udalan porovenso nni.

D. YAA KOANBADIEGU N DIIDI BAALO SALIWUUDO, A TUONA LENI BI TUONSOANBA YEMA NAMU KANI

- Manu Beritaran Owen **KPODA**, joa, o lanba li tuonli nni tie **111 293 P**, o tie a tinbuona gobidikoa, o dini li bali ki tua yaa tuonsoanjaali n taani baalo tuonsoanba yudanciamo ;
- Firansisi **PAARE**, joa, o lanba li tuonli nni tie **48 184 C**, o tie bi niba leni ti tuonsoandiedi gobidima tundikoa, o dini li bali ki tua Saliwuudi pandima leni mi gobidiñanma yudaano.

E. YAA KOANBADIEGU N DIIDI I SANI TIENMA LENI A DIEGBENGA MAAMA KANI

- Mamadu **YUGIBARE**, joa, o lanba li tuonli nni tie **248 620 X**, o tie li tanmaali tuona bandiciamo, o dini li bali ki tua yaa tuonsoanjaali n kpaagidi a tuona po ki go diidi bonla kuli ya nua u sanu yudanciamo.

F. YAA KOANBADIEGU N DIE A COGIBIGBENGA COGU LENI MI BANCANMA LINGINMA TUONA KANI

- **SUGOTI** pua Kuwilipoko Mari Loori **JISU**, o lanba li tuonli nni tie **104 525 V**, o tie iniverisite cogicanbaa, bi dini o li bali ke o tua a tuona 063 yudaano lan tie « **yaa tuona n baa todi a cogigbenga yema soanma** », ki pugini wan pia yaa bali ki tie o yudanciamo yaa tuonsoanjaali kani n pegidi a cogibila a cogitaana gandima po leni i ligi todima bi cogu po.

G. YAA KOANBADIEGU N DIIDI MI GAANILINDIMA, MI ÑIMA LENI I YIANBONFUODI BOLINMA TUONA KANI

- Sayidu Mahumudu **SORO**, joa, o lanba li tuonli nni tie **047 807 V**, o tie li fuali leni mi ñima guudima tuona goandikoa, bi dini o li bali ke o tua ku koanbadiegu tuonsoandiedi tuona goandikoa ;
- Anselimi **SOME**, joa, o lanba li tuonli nni tie **44 042 C**, o tie kolesinba leni lisenba cogicanbaa, bi dini o li bali ke o tua ku koanbadiegu tuonsoandiedi tuona goandikoa ;
- **JIIRO** pua Antuanetti **WEDIRAWOGO**, o lanba li tuonli nni tie **46 078 S**, o tie li fuali leni mi ñima guudima tuona goandikoa, bi dini o li bali ke o tua ku koanbadiegu tuonsoandiedi tuona goandikoa ;
- Tinjaani **NICIEMA**, joa, o lanba li tuonli nni tie **203 320 V**, o tie i tinkundogi tuona bandiciamo, bi dini o li bali ke o tua a tuona soanma ligi 109 yudaano lan tie « **A ñinluana tienma** » ki pugini wan pia yaa bali ki tie a ñinluana bonmaakaala yudanciamo ;
- Fidelli **KOAMA**, joa, o lanba li tuonli nni tie **216 304 A**, o tie i tinkundogi tuona bandiciamo, bi dini o li bali ke o tua a tuona soanma ligi

143 yudaano lan tie « **mi ñima boagidima leni i yiani delima tuona** » ki pugini wan pia yaa bali ki tie li tuonsoanjaali yaali n die mi ñima boagidima leni i yiani delima tuona yudaano ;

- Sanna Saalifu **KONSEYIGA**, joa, o lanba li tuonli nni tie **222 147 N**, o tie mi gaanilindima tuona bandiciamo, bi dini o li bali ke o tua mi ñima leni i yiani delima tuona mi gaanilindima nni yudaano Lorunmi porovenso nni;
- Mahomedi **KONANE**, joa, o lanba li tuonli nni tie **358 641 G**, o tie li fuali leni mi ñima guudima tuona goandikoa, bi dini o li bali ke o tua mi ñima leni li fuali guudima tuona yudaano Udalan porovenso nni.

H. YAA KOANBADIEGU N DIE I DOCIAMI BOGINMA LENI A DIEDUANKAANA MAAMA KANI

- Guwendepuyiri Abelli **WEDIRAWOGO**, joa, o lanba li tuonli nni tie **233 708 Y**, o tie i laabaali lingima leni i wogidima tuonsoanlo, bi dini o li bali ke o tua yaa magalikaama n pundi bi bujiaba kani yudaano.

I. YAA KOANBADIEGU N DIE KU GBANANSAAGU JELITI TUONA, BI NIPANBA LENI A TUONA BAAMA KANI

- Sudaga **SIA**, joa, o lanba li tuonli nni tie **83 245 N**, o tie ku gbanansaagu jeliti cogicanbaa, o dini li bali ki tua laa koanbadiegu tuonsoanjaana tuona goandikoa;
- Sandawogo **YAWOGO**, joa, o lanba li tuonli nni tie **207 658 X**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Baseega porovenso nni;
- Sibidi **SEGIDA**, joa, o lanba li tuonli nni tie **32 276 M**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Buligu porovenso nni;

- Alifonsi Kayaba **SUNGARANA**, joa, o lanba li tuonli nni tie **94 660 H**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Kuritenga porovenso nni;
- Sayidu **WANGO**, joa, o lanba li tuonli nni tie **327 697 W**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Lorunmi porovenso nni ;
- Nomiwende Iriben **WEDIRAWOGO**, joa, o lanba li tuonli nni tie **257 864 P**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Udalan porovenso nni;
- Bukali **SAVADOGO**, joa, o lanba li tuonli nni tie **217 119 A**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Pasoore porovenso nni;
- Teganaba **WILI**, joa, o lanba li tuonli nni tie **278 392 D**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Sanmatenga porovenso nni;
- Lasaari Ogusiti **NADENGE**, joa, o lanba li tuonli nni tie **392 207 H**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Sunmi porovenso nni;
- Musa **TARANMI**, joa, o lanba li tuonli nni tie **352 677 X**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Yaga porovenso nni;
- Haluuna **WEDIRAWOGO**, joa, o lanba li tuonli nni tie **257 396 Y**, o tie ku gbanansaagu jeliti cogicanbaa, o dini li bali ki tua ku gbanansaagu

jeliti leni mi fuodima bontienkaala tuonsoanjaali yudaano Yatenga porovenso nni;

- Daramaani Silivesitiri **WEDIRAWOGO**, joa, o lanba li tuonli nni tie **207 659 Y**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Siido porovenso nni;
- Usimaani **NONGI-NOOGO**, joa, o lanba li tuonli nni tie **237 912 N**, o tie ku gbanansaagu jeliti cogicanbaa, o dini li bali ki tua ku gbanansaagu jeliti leni mi fuodima bontienkaala tuonsoanjaali yudaano Sondoma porovenso nni;
- Lo Abidulli Asiisi **NAPO**, joa, o lanba li tuonli nni tie **279 889 V**, o tie a tuona baama leni mi tuonsoanbanma tundikoa, bi dini o li bali ke o tua bi nipanba leni a tuona baama yudaano Bale porovenso nni;
- Rawogo Pieri **BUNKUNGU**, joa, o lanba li tuonli nni tie **392 193 A**, o tie bi nipanba bangikoa, bi dini o li bali ke o tua bi nipanba leni a tuona baama yudaano Nawuuri porovenso nni;
- Yakuba **KARA**, joa, o lanba li tuonli nni tie **303 891 N**, o tie a tuona baama leni mi tuonsoanbanma tundikoa, bi dini o li bali ke o tua bi nipanba leni a tuona baama yudaano Bale porovenso nni;
- Hadi **SO**, joa, o lanba li tuonli nni tie **246 618 L**, o tie a tuona baama leni mi tuonsoanbanma tundikoa, bi dini o li bali ke o tua bi nipanba leni a tuona baama yudaano Poni porovenso nni;
- Bakari **TALIWALI**, joa, o lanba li tuonli nni tie **238 577 M**, o tie a tuona baama leni mi tuonsoanbanma tundikoa, bi dini o li bali ke o tua bi nipanba leni a tuona baama yudaano Sanmatenga porovenso nni;
- Nicieta Herive **YE**, joa, o lanba li tuonli nni tie **304 385 A**, o tie a tuona baama leni mi tuonsoanbanma tundikoa, bi dini o li bali ke o tua bi nipanba leni a tuona baama yudaano Seno porovenso nni;

- Mariki **BASIE**, joa, o lanba li tuonli nni tie **246 642 K**, o tie bi nipanba bangikoa, bi dini o li bali ke o tua bi nipanba leni a tuona baama yudaano Yaga porovenso nni;
- Isufu **CIEMITORE**, joa, o lanba li tuonli nni tie **360 439 T**, o tie bi nipanba bangikoa, bi dini o li bali ke o tua bi nipanba leni a tuona baama yudaano Sundiwewogo porovenso nni.

III.2. BAN DINDI YUA LI BALI

LI LAAFIALI KOANBADIEGU KANI

A koanbala Taanli dindi yua n tie na bali:

- **SAWADOGO** pua Safuura **YAMEWOGO**, o lanba li tuonli nni tie **95 857 X**, o bi tie Kaya lotodieciangu yudanciamo.

III.3. BAN DINI YAABA A BALA A TUONSOANJAANA YELI PO

A koanbala taanli den baa ban dini yaaba a bala a tuonjaana tuona gobidima po:

- li tuonjaali yaali n todi ban ñani yaa tuonsoanba li tuonli nni leni yaa tuonsoanba n gaa bi fuodima kani;
- Kaya leni Manga lotodieciani kani, bi tuonsoanba laafialo tuonsoanjaali kani, mi soama tuginma tuonsoanjaali kani, ti yianbidi buuma tuonsoanjaali kani, yaa tuonsoanjaali n gobidi i lotoñoagi kuadima kani li laafiali koanbadiegu yeli nni;
- Ti kunkundi tuonsoanjaali (SOFITEKISI) kani yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona yeli nni.

Moko, a koanbala taanli baa ban dini yua li bali ke o tua a tuona boginma cagili liigiyua Kaya lotodieciangu kani.

A. YAA KOANBADIEGU N DIIDI BAALO SALIWUUDO, A TUONA LENI BI TUONSOANBA YEMA NAMU

A koanbala taanli taa **masienkaama tili** ki dini Sidiki **SERE**, joa, ke o lanba li tuonli nni tie **40 059 C**, ki tie u cogu saliwuudi diedi ligi leni li tiadi bonkubilo, ke o tua Baalo po a tuona Gobidikoa li tuonjaali yaali n todi ban ñani yaa tuonsoanba li tuonli nni leni yaa tuonsoanba n gaa bi fuodima kani, yaa koanbadiegu n die baalo saliwuudo, a tuona leni bi tuonsoanba yema namu yeli nni bina taa (03) po; o gaa **SENSONNI** pua Hatiko **KULIBALI** yaa kaanu yo.

B. LI LAAFIALI KOANBADIEGU

A Koanbala Taanli taa **masienkaama tila nii (8)**.

Masienkaama tikpiali dini li bali Palamanga **WUOBA**, joa, ke o lanba li tuonli nni tie **245 646 H**, o tie bi niba laafiali lotogbeeli, ke o kua Kaya lotodieciangu tuona gobidikaaba cagili nni li laafiali koanbadiegu yeli po, li bakpiali nni bina taa (03) po.

Masienkaama tilieli dini li bali Palamanga **WUOBA**, joa, ke o lanba li tuonli nni tie **245 646 H**, o tie bi niba laafiali lotogbeeli, ki teni ke o tua a tuona gobidikaaba cagili liigiyua, li bakpiali nni bina taa (03) siiga.

Masienkaama titaali dini li bali yaa niba n tie ne ke bi tua gobidikaaba Kaya lotodieciangu tuona gobidikaaba cagili nni li bakpiali po bina taa (03) siiga.

YUA N TUA A TUONA GOBIDIKA KU LOTODIEGU LOTOLA CAGILI YELI PO

- Abidulli-Karinmi **WATARA**, joa, ke o lanba li tuonli nni tie **300 499 Y**, o tie o joa jadi yiani lotogbeeli.

YUA N TUA A TUONA GOBIDIKA KU LOTODIEGU TUONSOANBA YELI PO

- Burahima **KUTU**, joa, ke o lanba li tuonli nni tie **92 346 Y**, o tie yaa lotoli n todi mi lidima tuona.

YUA N TUA A TUONA GOBIDIKA A YIAMA CAGA YELI PO

- Musa **GUNGUNGA**.

Masienkaama tinaali guani ki pandi Sulemaani **SONGO** bali, joa, ke o lanba li tuonli nni tie **212 390 L**, o tie yua n diidi a tuonsoanjaana ya nua li tuonli balimaama, ke o kua baalo po bi tuonsoanba laafialo tuonsoanjaali tuona gobidikaaba cagili nni, yaa koanbadiegu n diidi baalo saliwuudo, a tuona leni bi tuonsoanba yema namu yeli nni, o bajuodikaali po bina taa (03) siiga.

Masienkaama timuuli dini li bali Yakuba **MILOGO**, joa, ke o lanba li tuonli nni tie **58 447 S**, o tie baalo ligidiedi tuona goandikoa, ke o tua Baalo po a tuona Gobidikoa mi soama tuginma tuonsoanjaali kani, yaa koanbadiegu n diidi ti diema loagu leni i ligi yeli nni ke li tie o bakpiali bina taa (03) po.

Masienkaama tiluobili goa ki pandi yaa niba n tie ne bali ke bi baa yaa tie a tuona gobidikaaba, mi soama tuginma tuonsoanjaali kani, li bajuodikaali po bina taa (03) siiga.

YUA N TUA A TUONA GOBIDIKOA BAALO YELI PO

Yaa koanbadiegu n diidi baalo saliwuudo, a tuona leni bi tuonsoanba yema ŋamu kani :

- Lukumana **SONO**, joa, ke o lanba li tuonli nni tie **104 439 W**, o tie yua n diidi a tuonsoanjaana ya ŋua li tuonli balimaama.

YUA N TUA A TUONA GOBIDIKOA MI SOAMA TUGINMA TUONSOANJAALI TUONSOANBA YELI PO

- Mohamedi Ben Sidi **BAARI**, joa, ke o lanba li tuonli nni tie **281 422 H**, o tie ti lotodiedi tuonsoantiadi ŋanbilo.

Masienkaama tileleeli dini li bali yaa niba n tie ne ke bi tua a tuona gobidikaaba, ti yianbidi buuma tuonsoanjaali kani, li bakpiali po bina taa (03) siiga.

YUA N TUA A TUONA GOBIDIKOA BAALO YELI PO

Yaa koanbadiegu n die ti diema tinbuona gobidima leni a sancena tuona kani:

- Wendipanga Pieri Mari Honore **NABALUNMI**, joa, ke o lanba li tuonli nni tie **238 049 Z**, o tie bi niba leni ti tuonsoandiedi gobidima tundikoa.

Tinunga **30** bonmu **31** siiga

YUA N TUA A TUONA GOBIDIKOA TI YIANBIDI BUUMA TUONSOANJAALI TUONSOANBA YELI PO

- Kilema **DANBELE**, joa, ke o lanba li tuonli nni tie **241 842 H**, o tie ti lotodiedi tuonsoantiadi ŋanbilo.

Masienkaama tiniili dini li bali **JIGIMIDE** pua Siesima Lawakilia Natasa Cayida Maritinni **TOWE**, o tie i lotoñoagi lotogbeeli, ke o tua a tuona Gobidikoa yaa tuonsoanjaali n gobidi i lotoñoagi kuadima kani, i lotoñoagi lotogbenga yeli nni, li bakpiali po bina taa (03) siiga.

C. YAA KOANBADIEGU N DIIDI MI TAGIMA TUONSOANDIEDI, U KPENDU LENI U NUU TUONSOANBANMA TUONA

A koanbala taanli taa **masienkaama tili** ki dini li bali o joa Amiidu **KONE**, o tie kunkunkpaalo, ke o tua a tuona Gobidikoa ti kunkundi tuonsoanjaali (SOFITEKISI) kani, a kunkunkpaala cagicianli yeli nni bina taa (03) po ; o gaa Sibidi Yaya **DAWO** yaa kaanu yo.

Gufenema Masoagindo



www.sig.gov.bf

Le Porte-parole du Gouvernement,



Pingdwendé Gilbert OUEDRAOGO
Chevalier de l'Ordre de l'Étalon

Pengidiwende Silibeedi WEDIRAWOGO
O baa Baalo jaandi leni Tanjoa maalima

Tinunga **31** bonmu **31** siiga